



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Atrebaten. Episcopo. & Decan Cameracensi.

urn:nbn:de:hbz:466:1-20006

180 Epistolarum Innocentij III.

desponsatio ipsa fuerit de præsenti, ut per consensum legitimū, & verbis de præsenti expressum, sive de futuro, ut per sequentem carnis copulam matrimonium inter eos fuerit celebratum; non tam decretali dicti prædecessoris nostri, quæ in casu dissimili loquitur, quam inducētis probationibus innitentes, te processisse legitimè respondemus, & sententiam cuam auctoritate apostolica confirmamus, & præsentis scripti patrocinio communimus; auctoritate tibi præsentium injungentes ut sententiam ipsam facias monitione præmissa per censuram ecclesiasticam inviolabiliter observari. Nulli ergo &c. Datum Reat. III. Nonas Augusti.

*OSCE N. ET TIRASONEN.
Episcopis.*

Epi. 323.
De Diacono
eius amici
Abbatem tru-
cidarant.
Cap. Petrus Dia-
conus. De ho-
micio.

Petrus Diaconus & monachus sancti Iohannis de Pinna sua nobis insinuatione monstravit quod cum in seculari adhuc habitu constitutum, in Ecclesia de Rigulo quoddam beneficium obtinenter, Abbas ipsius Ecclesiae illum eodem beneficio spoliasset, cognati & amici ejus Abbati sèpsum supplicarunt ut beneficium sibi restitueret memoratum. Quo nolente ipsorum precibus acquiescere, irati plurimùm & commoti, nocte quadam in domo Diaconi convererunt, & cena facta dixerunt quod vindictam volebant sumere de Abbatे. Inhibiti autem expressè ab eodem Diacono ne Abbatem occiderent, vel aliquid ei facerent unde ordinis sui discrimen incureret & animæ detrimentum, in eum nihilominus irruerunt, & plagiis impositis abierunt semivivo relicto. unde post dies aliquot* spiritum exhalavit. Ab illo autem tempore usque hodie prædictus Diaconus de eo quod contigerat tristis effectus, ab administratione cessavit; & nondum expleto bienio, habitum induit monachalē. Vnde à nobis suppli- citer petiti edoceri, utrum posset in officio Diaconi ministrare; & si hoc ei liceret, an posset ad majorem ordinem promoveri. Licet autem (si præmissis veritas suffragatur) prefatus Diaconus super Abbatis interitu non videatur esse culpabilis; quia tamen bonarum mentium est ibi culpam agnoscere ubi culpa non est, quod ab administratione officij se propria voluntate suspendit, vel habitum induit regularem, sibi non ad pec-

catum ascribimus, sed ad meritum reputamus. Quocirca fraternitati vestre per apostolica scripta mandamus quatenus si præmissa noveritis veritate subnixa, sèpedictum Diaconum non solum in diaconatus officio ministrare, sed etiam ad ordinem presbyteratus ascendere, si aliud canonicum non obstiterit impedimentum, liberam concedatis auctoritate apostolica facultatem, præser- tim si super hoc non fuerit respersus infamia, cum ei non debeat imputari quod contra prohibitionem ejus expressam, eo causam vel occasionem non dante, ausu sacrilego proponitur à consanguineis attentatum, divina scriptura testante quod anima quæ peccaverit, ipsa morietur. filius non portabit iniquitatem patris, neque pater iniquitatem filii. quamvis hoc ipsum verius ad æternam contra referatur vindictam. Datum Reat. II. Nonas Augusti, Pont. nostri anno primo.

ATREBATEN. EPISCOPO.
& Decano Cameracensi.

Sicut ex parte dilecti filij nobilis viri Duci Lotharingie nostris fuit au-ribus intimatum, quando nobilem mulierem Mattildem, neptem Philippi quondam Comitis Flandriæ, sibi matrimonio copulavit, idem Comes redditus quinquaginta talentorum percipiendos annuatim in terra Boloniæ præfato Duci assignavit in dotem, quæ post obitum ipsius Comitis nullatenus potuit obtinere, & insuper ipse Comes eandem terram obligavit ei pro trecentis marcis, & septem millibus talentorum. Quia igitur præscripta terra ad proprietatem est carissimi in Christo filij nostri Philippi illistris Regis Franciæ devoluta, & dos pertinet ad conjugium, quod est magnum in Ecclesia sacramentum, nos, qui secundum Apostolum sapientibus sumus & insipientibus debitores, discretioni vestre per apostol. scripta mandamus quatenus eundem Regem, ut super præmissis memorato Duci satisfaciat ut tenetur, mo- neatis diligenter, & efficaciter inducatis. Alioqui partibus convocatis, audiatis causam, & eam fine debito terminetis. Quod si ambo &c. tu frater Episcope. Datum Reat. VIII. Idus Aug.

Epi. 324.
Vt Regé Fra-
corum cogi-
tari Lothari-
giæ docem re-
dere.

*In Quarta Col-
lata expiavit.